



Broj/Број: 01/2a-50-1-2-24/08
Sarajevo/Сарајево, 1.4. 2008.godine

ZAPISNIK

24. sjednice Komisije za vanjske poslove Predstavničkog doma Parlamentarne skupštine Bosne i Hercegovine, održane 1.4.2008. godine

Sjednica je počela u 14 sati. Predsjedavao je predsjedavajući Komisije Slavko Matić. Sjednici su prisustvovali članovi Komisije: Slavko Matić, Azra Alajbegović, Milica Marković, Husein Nanić i Sadik Ahmetović a od četvrte tačke radu Komisije priključila se i Azra Hadžiahmetović.

Osim članova Komisije, sjednici su prisustvovali i gosti; Božidar Škravan, predstavnik resornog Ministarstva komunikacija i prometa BiH, i Emir Šehić i Zoran Perković, predstavnici resornog Ministarstva vanjskih poslova BiH.

Odsutni su bili: Milorad Živković zbog obaveza u Kolegiju Predstavničkog doma u proširenom sastavu, Denis Bećirović, koji je najavio odsustvo, i Sefer Halilović.

Za sjednicu je usvojen sljedeći

DNEVNI RED

1. Usvajanje Zapisnika 23. sjednice Komisije;
2. Davanje saglasnosti za ratifikaciju „eSEE“ Agenda plus za razvoj informacionog društva u Jugoistočnoj Evropi – SEE 2007. – 2011.(resorno Ministarstvo komunikacija i prometa BiH);
3. Davanje saglasnosti za ratifikaciju Sporazuma između država članica Sjevernoatlantskog ugovora i ostalih država koje učestvuju u Partnerstvu za mir o pravnom položaju njihovih snaga, Dodatnog protokola Sporazumu između država članica Sjevernoatlantskog ugovora i ostalih država koje učestvuju u Partnerstvu za mir o pravnom položaju njihovih snaga i Daljnjeg dodatnog protokola Sporazumu između država članica Sjevernoatlantskog ugovora i ostalih država koje učestvuju u Partnerstvu za mir o pravnom položaju njihovih snaga(resorno Ministarstvo vanjskih poslova BiH);
4. Razmatranje dokumenta Ministarstva vanjskih poslova BiH: Evropska unija – Dokument Evropske komisije: „Zapadni Balkan – Jačanje evropske perspektive“;
5. Razmatranje informacije Ministarstva vanjskih poslova BiH: Sastanak Vijeća EU za opće poslove i vanjske odnose, održan 10. i 11. marta 2008. u Briselu;
6. Usvajanje Izvještaja o radu Komsije za 2007. godinu;
7. Usvajanje Okvirnog plana aktivnosti Komisije za 2008. godinu;
8. Razmatranje informacije u vezi s procedurom službenih putovanja u inozemstvo;
9. Razmatranje Izvještaja sa zimskog zasjedanja Parlamentarne skupštine OSCE-a, Beč, održanog 21.i 22. februara 2008. ;
10. Tekuća pitanja.

Ad. 1. Usvajanje Zapisnika 23. sjednice Komisije

Predsjedavajući Komisije Slavko Matić naveo je da su zapisnici priloženi u materijalu svim članovima Komisije te otvorio raspravu. O ovoj tački nije bilo rasprave i Zapisnik 23. sjednice Komisije jednoglasno je usvojen.

Ad . 2. Davanje saglasnosti za ratifikaciju „eSEE“ Agenda plus za razvoj informacionog društva u Jugoistočnoj Evropi – SEE 2007. – 2011.(resorno Ministarstvo komunikacija i prometa BiH)

Obrazloženje o ovom dokumentu dao je Božidar Škravan, predstavnik resornog Ministarstva komunikacija i prometa BiH. Nakon obrazloženja, jednoglasno je data saglasnost za ratifikaciju ovog dokumenta.

Ad. 3. Davanje saglasnosti za ratifikaciju Sporazuma između država članica Sjevernoatlantskog ugovora i ostalih država koje učestvuju u Partnerstvu za mir o pravnom položaju njihovih snaga, Dodatnog protokola Sporazumu između država članica Sjevernoatlantskog ugovora i ostalih država koje učestvuju u Partnerstvu za mir o pravnom položaju njihovih snaga i Daljnjeg dodatnog protokola Sporazumu između država članica Sjevernoatlantskog ugovora i ostalih država koje učestvuju u Partnerstvu za mir o pravnom položaju njihovih snaga (resorno Ministarstvo vanjskih poslova BiH)

Obrazloženje o ovom sporazumu dao je Zoran Perković, predstavnik resornog Ministarstva vanjskih poslova BiH. Nakon obrazloženja, jednoglasno je data saglasnost za ratifikaciju ovog sporazuma.

Ad. 4. Razmatranje dokumenta Ministarstva vanjskih poslova BiH: Evropska unija – Dokument Evropske komisije: „Zapadni Balkan – Jačanje evropske perspektive“

Obrazloženje o ovom dokumentu dao je Emir Šehić, predstavnik resornog Ministarstva vanjskih poslova BiH.

Nakon ovog obrazloženja vođena je rasprava u kojoj je Azra Alajbegović konstatirala da ne postoji iskorištenost stipendija EU i da je glavni problem komunikacijske prirode. Sadik Ahmetović konstatirao je da je potrebno napraviti određenu kampanju a sve s ciljem što veće iskorištenosti raspoloživih fondova EU.

Nakon kratke rasprave, članovi Komisije, na prijedlog predsjedavajućeg, jednoglasno su odlučili da podrže **zaključake** kojim se konstatira da je Komisija razmotrila ovaj dokument, te ga primila na znanje, pozivajući sve institucije BiH da iskoriste sve raspoložive programe – fondove institucija EU.

Ad . 5. Razmatranje informacije Ministarstva vanjskih poslova BiH: Sastanak Vijeća EU za opće poslove i vanjske odnose, održan 10. i 11. marta 2008. u Briselu

Obrazloženje o ovoj informaciji dao je Emir Šehić, predstavnik resornog Ministarstva vanjskih poslova BiH, nakon čega je jednoglasno donesen **zaključak** da je ova informacija primljena na znanje.

Ad. 6. Usvajanje Izvještaja o radu Komisije za 2007. godinu

O ovoj tački dnevnog reda nije bilo rasprave te je Izvještaj jednoglasno usvojen.

Ad. 7. Usvajanje Okvirnog plana aktivnosti Komisije za 2008. godinu

Razmatranje ove tačke dnevnog reda pomjereno je za narednu, 25. sjednicu Komisije za vanjske poslove Predstavničkog doma, jer bi se mogao još jednom razmotriti ovaj Okvirni plan aktivnosti Komisije za 2008. godinu i možda donijeti neke njegove izmjene i dopune.

Ad. 8. Razmatranje informacije u vezi s procedurom službenih putovanja u inozemstvo

O ovoj tački dnevnog reda nije bilo rasprave i **zaključak je** Komisije da je upoznata s ovom informacijom te da je ona primljena na znanje.

Ad. 9. Razmatranje Izvještaja sa zimskog zasjedanja Parlamentarne skupštine OSCE-a, održanog 21.i 22. februara 2008. u Beču

Komisija za vanjske poslove donijela je **zaključak** da je ovaj izvještaj primila na znanje.

Ad. 10. Tekuća pitanja

U okviru ove tačke dnevnog reda predsjedavajući je obavijestio prisutne o posjeti predsjednika Parlamenta Baden – Wurttemberg gosp. Petera Strauba Bosni i Hercegovini i o obavezama ove komisije u vezi s tim. Zaključeno je da članovi Komisije do sutra, 2.4.2008., obavijeste sekretara Komisije o svom prisustvu razgovorima.

Sjednica je završena u 15,15 sati

PRIVREMENI SEKRETAR

Davorin Semenik

PREDSJEDAVAJUĆI

Slavko Matić